

**Uunga siunnersuut: Nunaoil A/S pillugu Inatsisartut inatsisaata atorunnaarsinneqarnera pillugu Inatsisartut inatsisaat**

(Aatsitassanut Inatsisillu Atuutsinneqarnerannut Naalakkersuisoq)

**Akissuteqaat**

(Aatsitassanut Inatsisillu Atuutsinneqarnerannut Naalakkersuisoq)

**Aappassaanneerreqarnera**

Naalakkersuisut sinnerlugit Aningaasaqarnermut Akileraartarnermullu Ataatsimiititaliaq inatsisissatut siunnersuut sukumiisumik suliarimmagu qutsavigaara.

Ataatsimiititaliami amerlanerussuteqartut siunnersuutip akuerineqarnissaa inassutigaa.

Naalakkersuisut maluginiarpaat, Nunaoil A/S pillugu Inatsisartut inatsisaata atorunnaarsinneqarnerani ingerlatseqatigiiffiup siunissaanut inaarutaasumik isummertoqarsinnaalerpat, ingerlatseqatigiiffiup ingerlanneqarnerata ingerlaqqinnissaa pillugu apeqqutinut pingaarutilinnut tunngatillugu, Inatsisartut aammalu Inatsisartuni ataatsimiititaliat attuumassuteqartut suliap ingerlaqqinnerani akuutinneqarnissaat ataatsimiititaliap naatsorsuutigigaa.

Ataatsimiititaliap nalunaarummi apeqqutit ilaatigut makkununga tunngasut apeqqutigai:

- Aningaasaqarnikkut allaffissornikkullu malittaasumik sunniutaasussat, ingerlatseqatigiiffimmut ingerlaqqittumut siunissami ingerlatassanut tunngavigneqartussat.
- Naalakkersuisut Namminersorlutik Oqartussani aktiaatilittut soqutigisaqarnermik isumaginnittutut qanoq ingerlatseqatigiiffiup siunissami siunertassaanut, aaqquissuusaaneranut ingerlanneqarneranullu naatsorsuutigisaqarnermut.
- Naalakkersuisut Namminersorlutik Oqartussani aktiaatilittut soqutigisaqarnermik isumaginnittutut qanoq iliorlutik ingerlatseqatigiiffiup ingerlaqqittup aningaasaqarnikkut isumannaatsumik siunissami ingerlatassanik isumaginnissinnaanissaanut qulakkeerisinnaanersut.
- Ingerlatseqatigiiffik, taassuma siunertaata atorunnaarsinneqarnerata malitsigisaanik, matuneqarpat tamanna naapertuutinnginnerunersoq.

Ingerlatseqatigiiffiup ingerlanneqarnerata ingerlaqqinnissaanut tunngatillugu apeqqutit taakkua, ilanngullugit aningaasaqarnikkut tunngavissat, pingaaruteqartorujussuusut Naalakkersuisut isumaqatigaat aammalu ingerlatseqatigiiffimmi ineriartornerup ingerlaqqinneranut atatillugu Inatsisartut aamma ataatsimiititaliat attuumassuteqartut Naalakkersuisut ingerlaavartumik ilisimatittassavaat.

Ingerlatseqatigiiffiup siunissami siunertassaanut tunngatillugu paasissutissiissutigisinnaavara siunissami mingutsitsinngitsumut allanngoriartortitsinissaq ukkatarineqartussaammat.

Aammattaaq piffissaq iluatsillugu ingerlatseqatigiiffimmut tunngatillugu siunissami naalackersuisoqarfinni suliassaqarfinnik agguaaneq erseqqissassavara. Piginnittuuneq Naalackersuisut Siulittaasuata Naalackersuisoqarfianiiginnassaaq, kisianni naalackersuisoqarfik suliassaqarfimmut akisussaasuusoq tassaalissaaq Nunalerinermut, Imminut Pilersornermut, Nukissiutinut Avatangiisinullu Naalackersuisoqarfik.

Ataatsimiitaliami amerlanerussuteqartut siunnersuutip akuerineqarnissaa inassutigimmassuk Naalackersuisut sinnerlugit nuannaarutigaa.

Naalackersuisut taamatut oqaaseqarlutik siunnersuut aappassaanneernejarnissaanut suliassanngortippaat.